



Sekirite Sosyal Pou Moun Ki Gen VIH/SIDA

Si w gen VIH/SIDA epi ou pa ka travay, ou ka ranpli kondisyon pou resevwa benefis pou andikap nan Administrasyon Sekirite Sosyal. Andikap ou a dwe prevwa pou dire omwen yon lane oswa l ap fini lè w mouri epi li dwe grav ase pou anpeche w fè gwo travay. Montan sale ke nou konsider kòm endis gwo travay chanje chak ane. Pou enfòmasyon kouran, ale nan *Mizajou Anyèl* (Piblikasyon nimewo 05-10003-HC)

Si pitit ou gen VIH/SIDA, li ka an mezi pou jwenn Revni Sekirite Siplemantè(SSI) si revni kay la ba ase.

Benefis ki peye anba de (2) pwogram

Nou peye benefis akòz andikap anba de (2) pwogram: pwogram asirans andikap Sekirite Sosyal pou moun ki peye taks Sekirite Sosyal; epi pwogram Revni Sekirite Siplemantè pou moun ki gen ti revni ak yon ti kantite resous. Si benefis Sekirite Sosyal ou trè ba epi lòt revni ak resous ou genyen yo pa anpil, ou ka ranpli kondisyon pou benefis yo nan toulède pwogram yo.

Kouman mwen ka kalifye pou benefis Sekirite Sosyal akòz andikap?

Lè w travay epi ou peye taks Sekirite Sosyal, ou gen kredi Sekirite Sosyal. (Pifò moun gen maksimòm kat (4) kredi pa an.) Kantite ane travay ki nesesè pou benefis andikap depann de laj ou lè w vin andikape. Anjeneral, ou bezwen senk (5) kan travay an dis (10) zan anvan ane ou vin andikape a. Travayè ki pi jenn yo bezwen yon ti kantite ane travay. Si aplikasyon ou apwouwe, w ap resevwa premye peman benefis ou pandan tout sis (6) mwa ki vini apre dat andikap ou te kòmanse.

Kisa w ap jwenn nan Sekirite Sosyal?

Kantite lajan benefis pa mwa ou depann de kantite lajan ou te touche pandan ou t ap travay.

W ap ranpli kondisyon tou pou Medicare apre w fin jwenn benefis andikap pandan 24 mwa. Medicare ap ede w peye swen nan lopital ak swen palyatif, tès laboratwa, swen medikal nan kay ak lòt sèvis medikal. Pou plis enfòmasyon sou Medicare, kontakte nou pou piblikasyon, *Medicare* (Piblikasyon Nimewo 05-10043). Piblikasyon sa-a disponib sèlman nan lang Angle.

Kouman mwen ka kalifye pou mwen resevwa peman SSI akòz andikap?

Si w pa t travay lontan ase pou jwenn Sekirite Sosyal oswa si benefis Sekirite Sosyal ba, ou ka ranpli kondisyon pou resevwa peman SSI si revni ak resous total ou ba ase.

Si w jwenn SSI, ou gen anpil chans pou w elijib pou koupon pou manje ak Medicaid. Medicaid ap okipe peman bòdwo medikal ou yo pandan ou entène lopital oswa pandan w ap resevwa swen kòm pasyan ekstèn. Nan kèk eta, Medicaid peye pou swen palyatif, yon enfimyè prive ak preparasyon medikaman ki itilize pou goumen kont maladi VIH la. Pou plis enfòmasyon sou Medicaid, kontakte biwo sèvis sosyal lokal ou.

Kouman pou mwen aplike pou benefis?

Ou ka aplike pou benefis andikap sekerite sosyal sou entènèt noun an: www.socialsecurity.gov oswa rele nan nimewo telefòn gratis **1-800-772-1213** (pou malantandan oswa pou moun ki tande di, rele nan nimewo TTY nou, **1-800-325-0778**). Nou ka reponn kesyon espesifik epi ba ou enfòmasyon nan sèvis telefòn otomatik 24 èdtan pa jou.

Si w bezwen yon entèprèt pou regle afè sekirite sosyal ou, n ap fè w jwenn youn gratis. Sèvis entèprèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye epi li ka pran yon randevou, si sa nesesè, pou ranpli yon fòm reklamasyon. Nou trete tout apèl yo avèk konfidansyalite. Nou Vle asire tou ou resevwa sèvis egzat ak koutwa. Sepou rezon sa a nou genyen yon dezyèm reprezantan Sekirite Sosyal pou kontwole kèk apèl telefonik.

Kouman pou ou deside reklamasyon mwen?

Tout aplikasyon nou resevwa nan men moun ki gen VIH/SIDA ap trete san pèdi tan. Sekirite Sosyal travay avèk yon biwo nan chak eta ki rele Disability Determination Services (Sèvis pou Detèmine Andikap).

Biwo leta ap gade enfòmasyon ou menm ak doktè ou ban nou yo epi l ap deside si w ranpli kondisyon pou benefis yo.

Nou ka peye w benefis SSI san pèdi tan pandan apeprè sis (6) mwa anvan nou pran yon desizyon final sou reklamasyon ou si:

- Ou p ap travay;
- Ou satisfè règleman SSI konsènan revni ak resous; epi
- Doktè ou oswa lòt sous medikal sètifye enfeksyon VIH ou a grav ase pou satisfè règleman elijiblite medikal nou.

Kouman mwen ka ede trete reklamasyon mwen an pi vit?

Ou ka ede tretman reklamasyon ou pi vit depi w gen sèten enfòmasyon nan moman w ap aplike a. Pami enfòmasyon sa yo, genyen:

- Nimewo Sekirite Sosyal ou ak batistè ou ak nimewo Sekirite Sosyal ak batistè nenpòt manm fanmi ki ka aplike pou benefis yo; epi
- Yon kopi pi resan fòm W-2 ou. (Si w ap aplike pou SSI, n ap bezwen tou enfòmasyon sou revni ak resous ou; pa egzant, etadkont labank ou, dosye chomaj ou, resi peman lwaye ou ak papye anrejistremant oto ou.)

N ap bezwen tou enfòmasyon sou:

- Non ak adrès nenpòt doktè ou, lopital oswa klinik kote ou te ale pou tretman;
- Fason VIH/SIDA afekte aktivite toulejou ou, tankou netwayaj, al fè acha, kwit manje, pran otobis, elatriye; epi
- Kalite djòb ou te fè pandan dènye 15 zan yo.

Anplis, n ap mande doktè ou pou li ranpli yon fòm k ap endike nou fason enfeksyon VIH afekte ou. Rele nan nimewo gratis la pou mande fòmilè "SSA-4814" pou adilt oswa fòmilè "SSA-4815" pou timoun.

Ou ta dwe pote fòmilè nan ba doktè ou pou li ranpli epi pote oswa voye fòmilè ki ranpli a ban nou.

Kisa k ap pase si mwen retounen travay?

Si w retounen travay, gen règleman espesyal k ap pèmèt benefis ou yo kontinye pandan w ap travay la. Règleman sa yo enpòtan pou moun ki gen VIH/SIDA ki ka an mezi pou retounen travay lè yo santi yo byen.

Pou plis enfòmasyon sou règleman sa yo, mande yon kopi publikasyon *Working While Disabled—How We Can Help* (Publikasyon Nimewo 05-10095, *Travay Pandan Ou Andikape—Kijan Nou Ka Ede Ou*). Publikasyon sa-a disponib sèlman nan lang Angle nan nenpòt biwo Sekirite Sosyal.